

BIZKAIKO ABOKATUEN ELKARGO OHORETSUKO

GOBERNU BATZORDEARI

Iñigo SANTXO URIARTE, 3.874 Elkargokide zenbakia eta EAZ 14.600.281-L duena eta jakinarazpenetarako helbidea bere bulegoan, hau da, Bilboko Done Bikendi kaleko 3 – 1. eskuman (48.001) duena, baita jakinarazpenetarako posta elektronikoa i.santxo@gaurko.eus duelarik, Bizkaiko Abokatuena Elkargo Ohoretsuaren Estatutu berrien proiektuaz aurkeztu dituen emendakinez, honako **MEMORIA** dakar:

Sinatzaileak Estatutu berrien honako artikuluen gaineko zuzenketak aurkeztu ditu:

- Artikulua. 3.a
- Orrialdea. 7 eta 8
- Paragrafoa: l).

- Artikulua. 3.a
- Orrialdea. 7 eta 8
- Paragrafoa: m)

- Artikulua. 3.-a
- Orrialdea. 8
- Paragrafoa: j)

- Artikulua. 4
- Orrialdea. 9
- Paragrafoa: s)

- Artikulua. 11.-a
- Orrialdea. 13
- Paragrafoa: 4.a

- Artikulua. 14.a
- Orrialdea. 14
- Paragrafoa: 2.

- Artikulua. 21.-a
- Orrialdea. 20
- Paragrafoa: 1.

- Artikulua. 32.a
- Orrialdea. 27
- Paragrafoa: 9.a

- Artikulua. 41.-a
- Orrialdea. 32
- Paragrafoa: k)

- Artikulua. 59.a
- Orrialdea. 45
- Paragrafoa: 1.

- Artikulua. 60.a
- Orrialdea. 45
- Paragrafoa: k)

- Artikulua. 60.a
- Orrialdea. 45
- Paragrafoa: l)

Honako arrazoiengatik:

1.- Epaitegi edo Auzitegi batek esango duenaren zain egon gabe, proposamen honen bitartez planteatzen da Elkargoak berak aitortzea, lehenik, Ofiziozkoa Txanda zerbitzu publiko bat dela, eta, horren ondorioz, zeregin horretan aritzen diren, eta aritu izan diren Abokatu guztien eskubideak (sozial, labora eta ekonomikoak aitortzea).

2.- Elkargoak bere Elkargokideak diren eta izen diren eta egun egoera zaugarria pairatzen ari direnen aurrean ezin du geldik eta isilik geratu, bizitza labora guztian zehar Mutualitatearen batean kotizatzen aritu izan diren Abokatu lankideek, jubilatutakoan, 12 ordainsariko 601 €-tako -edo oinarritzko gutxieneko soldatera heltzen ez diren- pentsioak nola kobratzen dituzten ikusiz. Hori ezin da inolaz ere onartu, eta egoera larri horri Elkargoak bilatu behar dio soluziobidea lehenbailehen, horregatik funtzio hau ere ezarri egin behar da Elkargoaren funtzioen artean.

3.- Konstituziotik askoz ere haratako, demokrata gisan proposatzen da Zuzenbideko estatu sozial eta demokratikoaren goraipamena egitea. Kasu honetan Konstituzioa aipatzeak mugatu, eta hertsia egiten du planteamentua.

4.- Bizkaiko Abokatuen Elkargoa aitzindaria izan da gure hizkuntzaren alorrean normalizazioaren alde gauzatu diren hainbat ekimenekin, horregatik, egiteaz gain, bidezkoa da adieraztea hizkuntza-normalizazioaren alde egitea, bere funtzio bat dela.

5.- Langileen atsedenerako eskubidea XXI. mendean langilegoaren hitzarmen guztietan jasota dago, hortaz, bidezkoa da geure Estatutuetan ere jasotzea, izan ere, onartezina lanean igarotako 24 orduko gardien osteko hurrengo orduetan lanean segitu behar izatea.

Ofiziozko Txanda zerbitzu publiko bat da, horren ondorioz ordainsari duinak dagozkie, Abokatuoi, langileak garen heinean, dagozkiegun eskubideez gain (kotizazioa, atsedenerako eskubidea, duintasunerako eskubidea).

6.- Batzordeen kasua desberdina izan badaiteke ere, proposatzen den aldaketan honen arabera Azterlan talde berriak osatzea ez da Gobernu Batzarraren erabaki diskrezional bat izan behar, horrek arbitrartatea sortaraz dezakeelako. Zuzenketa honetan proposatzen da Azterlan talde berriak sortzeko irizpide objektibo bat finkatzea, eskubidea Elkargokide kopuru jakin batek sinatzea esaterako (proposamenean 10 finkatu da) kopuru hori batzeak erakutsiko bailuke horretarako interes bat dagoela, nahikoa, beraz, Azterlan bat lanean hasteko.

7.- Emendakin honen bitartez, "Konstituzioari eta gainerako" kendu, eta "indarreko" sartzea proposatzen da.

Proposatzen den aldaketa honek beharrezkoa ez den errepikapen bat saihesten du.

Estilo kontua da.

Gure Estatutuetan agertu ala ez, ez dago inolako zalantzarik estatuko Konstituzioa ere -momentuz- gure indarreko ordenamendu juridikoaren parte dela, hortaz, arau hori birritan agertzea idazkera argiari zor, eragotzi behar den pleonasmoko bat dela, ordenamendu juridikoari men eginda, isilbidez, Konstituzioari ere men egiten diogu eta.

Esan beharrik ez dago, horrek ez duela eragozten, Konstituzioari ere men egin nahi dionak, Elkargokidetze ekitaldian hori egin ahal izatea.

Planteatzen den modu honetan jarrita, hau da, soilik "ordenamendu juridikoari" men eginda ("inposatu ez, eragotzi ere ez" aukera baliatuta) erosoagoa izango da Elkargokide berria izan nahi duen ororentzat.

Bestalde, "indarreko" sartzea egokia da, horrek estatutuen etengabeko gaurkotasuna bermatzen duelako.

8.- Zeregin juridikoetan aritzen garen Abokatu profesionalontzako ordainsariak zehaztea, eta sarritan finkatu eta ostean kobratzea, ez da lan erraz eta xamurra izaten, hortaz, bidezkoa da zeregin horietan Elkargoak Elkargokideei laguntza ematea.

Zeregin horri begira baliatu beharra dago 5/2024 Lege Organikoa, azaroaren 11koa, Defentsa Eskubideari buruzkoaren 6, 2, e) artikuluan azaldutakoa.

9.- Aldaketa honek ez du aparteko justifikaziorik behar, izan ere, Gobernu Batzarrari baitagokio Abokatuoi dagozkigun gutxieneko eskubideak gauzatuko direla bermatzea.

10.- Emendakin honen bitartez, "Konstituzioari eta gainerako" kentzea eta "indarreko" jartzea proposatzen da.

59. artikulua honetan proposatutako idazkera, 21.aren oso antzekoa da, baina badu desberdintasun bat, egokia dena.

Artikuluak honela dio: "Konstituzioa, lanbidearen arau deontologikoak eta gainerako ordenamendu juridikoa errespetatuta". Esaldia modu honetan egituratuta, proposatutako artikulua, arau deontologikoak ordenamendu juridikoan sartzen ditu, esan bezala era egokian, Elkargokideok, jardunaren poderioz ikusten dugun eran, arau deontologikoek indar handia dute eta.

Bestalde, "Konstituzioa" kentzeari buruz, aurreko zuzenketan egin den justifikazio bera erabiltzen da:

Proposatzen den aldaketa honek beharrezkoa ez den errepikapen bat saihesten du.

Estilo kontua da.

Gure Estatutuetan agertu ala ez, ez dago inolako zalantzarik estatuko Konstituzioa ere -momentuz- gure indarreko ordenamendu juridikoaren parte dela, hortaz, arau hori birritan agertzea idazkera argiari zor, eragotzi behar den

pleonasma bat dela, ordenamendu juridikoari men eginda, isilbidez, Konstituzioari ere men egiten diogu eta.

Esan beharrik ez dago, horrek ez duela eragozten, Konstituzioari ere men egin nahi dionak, Batzarkidetze ekitaldian hori egin ahal izatea, "inposatu ez, eragotzi ere ez" aukera baliatuta.

Planteatzen den modu honetan jarrita, hau da, soilik "ordenamendu juridikoari" men eginda ("inposatu ez, eragotzi ere ez" aukera baliatuta) erosoagoa izango da Batzarkide hautatua izan eta zin egin behar duen edozein Elkargokiderentzako.

Bestalde, "indarreko" sartzea egokia da, horrek estatutuen etengabeko gaurkotasuna bermatzen duelako.

11.- Euskararen ofizialtasunari dagokiola, indarreko araudiaz gain, eta beren beregi Elkargorako, Estatutuen proposameneko 15. artikulua, Elkargorako euskara eta gaztelania aitortzen ditu hizkuntza ofizial gisan, eta kide guztiei, eta herritarrei eskubidea aitortzen die Elkargoarekin harremanak gazteleraz zein euskaraz izateko.

Esan beharrik ez dago, euskara badela geure Herrian dugun ondare inmaterial garrantzitsuenetakoa, Instituzio, Eragile zein norbanako guztiok zaindu eta babestu beharrekoa. Zentzu horretan, harrotasunez esan dezakegu geure Elkargoa aitzindaria dela zerbitzu guztiak euskaraz eskaintzen, baina, bistan da eskubide hori bermatzeaz gain, Elkargo barruan, zein Elkargotik kanpo ere (Epaitegi eta Auzitegiak, Erregistroak, Notaritzak, etab.) egoera normalizatu batera heltzeko oraindik ere asko falta zaigula, eta zeregin horretan Atal berezitu bat izatea lagungarria litzateke oso.

12.- Proposamen honen bitartez Kultura Atala mantendu nahi da.

Emendakinaren justifikaziorako tarte honetan ez dago espazio nahikorik Kultura Atalak urte luzeetan burutu dituen lan eta zereginak zerrendatzeko.

Kulturak ere elkartu egiten gaitu, eta, era horretan Kultura Atalak Elkargoko loturak indartu eta zabaldu egiten ditu, Elkargokide, Elkargo eta gure gizartearen mesedetarako.

Ez da adierazi zergatik desagertu behar den Atal hori, eta emendakin honen bitartez, Kultura Atala mantentzea proposatzen da.

13.- Elkargoak orokorrean, eta bere Estatutuek bereziki, Elkargokideen behar eta premiei erantzun behar diete. Zentzu honetan sinatzaileak Estatutu proposamenean somatu du lehenik, pankonstituzionalismoaren gehiegizko errepikatzea, horrekin batera hutsune nabarmenak daude gaurkotasun ikaragarria duten bi gaien gainean: Ofiziozko Txanda eta Erretiroa.

Elkargoak ezin dio muzin egin Ofiziozko Txandaren egoera duintzeko dagoen oihu eta erreibindikazio sozio-juridikoari, eta, era berean, ezin du geldik geratu lan bizi osoan fede onaz Mutualitatean kotizatzen aritu diren zenbait lankideren egoera zaurgarriaren aurrean.

Bilbon, 2024ko abenduaren 26an.



Izp. Iñigo SANTXO URIARTE

3874 zki.-dun Elkargokidea